



# Ақсу өңірі



Газет 1934 жылғы 1 қазаннан шығады

Қоғамдық - саяси, әлеуметтік - экономикалық газет

№25-26 (10 229)

28 маусым

жұма

2024 жыл

aksuoniri@mail.ru

## ҚАЗАҚТЫҢ ІРІЛЕРІ, АБАЙДЫҢ ІНІЛЕРІ



## КИЕЛІ ЖЕР, ҚАСИЕТТІ ЕЛ ГАЗЕТІНЕ - 90 ЖЫЛ!

Бүгін "Байланыс және ақпарат қызметкерлері күні"!

### ЖЕР КИЕСІЗ, СӨЗ ЖҮЙЕСІЗ БОЛМАЙДЫ

Аудан әкімі Тынышбаев Берік Тынышбайұлының мерекелік құттықтауы



Елімізде маусым айының соңғы жексенбісі Баспасөз күні ретінде аталып өтіледі. Яғни, кең байтақ еліміздегі журналистер мен баспагерлер, теледидар, радио саласында еңбек ететін, елдің жылт еткен жақсылығын, жетістігін, жаңалығын халыққа тарататын саланың мамандары өздерінің төл мерекелерін тойлайды.

Мемлекет басшысы Қасым - Жомарт Тоқаев бұқаралық ақпарат құралдарының атқарар рөліне айырықша мән береді. Олай болса елдегі саяси тұрақтылық, экономикалық өрлеу барысында журналистер қауымына жүктелер салмақ қомақты.

Біздің аудандық «Ақсу өңірі» газеті аудан айнасы ретінде ауданның әлеуметтік - экономикалық жағдайын көрсетуде аянбай жұмыс атқарып келе жатқанын білемін.

Ендеше, мерекелеріңізбен құттықтап, еңбектеріңізге жеміс, дендеріңізге саулық тілеймін.

Алғашқы санының шыққанына 90 жыл толып отырған аудандық «Ақсу өңірі» газетінің самғау кеңістігінің кең екенін, болашағы зор екенін осыдан - ақ аңғаруға болады. Ұстанымы берік, ұлағаты көрікті басылым қоғам дамуының күрделі кезеңдерінде де

ақиқаттың ақ жолынан алыстамады. Бұқара халық пен билік арасындағы дәнекер болып, мыңдаған оқырмандарының мерейлі мінбесіне айналып келеді.

Иә, қазақта «жер киесіз, сөз жүйесіз болмайды» деген мәтел бар. Осы бір атадан балаға мирас болып жеткен тамаша сөздің астарына үңілсек, көп нәрсеге көз жеткіземіз. Өткен ғасырда, яғни, 1934 жылдың қараша айының алғашқы жұлдызында ақпарат айдынына желкен керіп, ойлы оқырманына жол тартқан «Ақсу өңірі» (Алғашқы Ленин жолы, Өмір нұры) газеті міне тоқсанның төріне көтерілді. Адамзат ғұмырымен өлшесек, тоқсанды алқымдаған абыз қарияның жасына жетті. Арынды Ақсудың жағаға ұрған толқынымен сабақтас басылым аудан аймағының аты алысқа кеткен үнжариясына айналды. Олай дейтін себебіміз, осынау «Ақсу өңірі» газетінде әлемге танылған қаламгерлер құлтанба қалдырған.

Тұрсынзада Есімжанов, Ораз Жұмашев, Жамау Бұхарбаев, Қанипа Бұғыбаева, Марфуға Айтқожина, Сағынболат Тінтаев, Хасен Көптілеуов, Дүйсен Мұхаметшарұлы, Берлібек Аманбаев, Тілеухан Есеболатов, Мұхаметәлі Найманханұлы, Сейдахмет Мұхаметшин, Болат Бисұлтанов, Нұрғали Омарқұлов, Қуат Қайранбаев

және басқа да ақын - жазушылар мен журналистердің осы газет ұжымымен араласып өздерінің тамаша туындыларын алғаш рет «Ақсу өңірі» газетінде жариялағандарының өзі көп жағдайды аңғартып, киелі шаңырақ екендігін көрсетіп отырған жоқ па!

Қазіргі кезде аудандық газет қызметкерлері еркеніеттің өнегелі істерін оқырмандар жүрегіне жеткізіп, тәуелсіздіктің тұрақты тағдырын барша жұртқа дер кезінде көрсетуі осы қаламгерлердің үлесіне тиюдің өзі үлкен мәртебе. Олай болса газеттің көз тартар ажары, өрелі ісі мен мағыналы мазмұны өзіне тән кең тынысты арнасын кеңейтіп келе жатқан 90 жылдық тарихымызды еншілеген қуаныш - бәріміздің жүрек толғантар мерекеміз. Бағдары айқын, өзекжарды айтары бар қаламгерлерге шалқар шабыт тілеймін!

Аудандық газеттің барша оқырмандарын және газет ұжымын 90 жылдық мерейлі мерекесімен шын жүректен құттықтап, аудан журналистеріне шығармашылық табыс тілеймін. Қаламдарыңыз ұшқыр, ойларыңыз ұтқыр болсын. Отбастарыңызда береке - бірлік таусылмасын.

Сіздермен бірге әлі талай асуларды алып, ел сенімін ақтармыз деген ойдамын.

### ЖУРНАЛИСТИКА – зор жауапкершілікті қажет ететін кәсіп

Мәслихат төрағасы Сүлейменов Бейбіт Жаңылысұлының мерекелік құттықтауы



Аудандық мәслихат депутаттары және аппараты атынан Сіздерді «Байланыс және ақпарат қызметкерлері күні» мерекесімен құттықтаймыз!

Журналистика – қызығы мен қиындығы мол, зор жауапкершілікті қажет ететін бірегей кәсіп. Қоғамдағы болып жатқан сан түрлі оқиғалар мен адамдардың тағдыры сіздердің жұмыстарыңыздың өзегі. Халық сіздер арқылы өздері өмір сүріп жатқан орта жайлы мағұлмат алады. Сондықтан, әрдайым шынайылық пен ақиқатқа бағынатын журналистердің көтеретін жүгі де ауыр деп білеміз. Сіздер өз газеттеріңіз арқылы ауданның әлеуметтік - экономикалық дамуы бағытында атқарылып жатқан істер барысын, аудан тұрғындарының тыныс - тіршілігін, оңды істерін насихаттауда қажырлықпен және нәтижелі қызмет атқарып келесіздер. Газетіміз барлық кезеңдерде халықпен жергілікті биліктің арасындағы дәнекер болып, оқырмандардың мінбері және көмекшілері бола білуде. Аудандық мәслихат депутаттары да Сіздер арқылы өз сайлаушыларымен тұрақты байланыста болуда.

Сіздер жекелеген адамдардың тағдыры да, қоғамның рухани ахуалы да адал, шынайы журналистік сөзге байланысты екенін жақсы түсінесіздер. Сондықтан да сіздер үшін

оқырмандардың алдында адал болудың жөні бөлек.

Сіздердің салмақты сөздеріңіз бен салмақты пікірлеріңіздің арқасында халық билікке өз сөзін жеткізіп отыр және баспасөзбен тығыз байланыстың нәтижесінде атқарушы билік органдарының қызметі туралы тұрғындарға жедел және дәлелді ақпараттар жеткізіліп келеді. Сіздердің тынымсыз кәсіптеріңізге деген адалдықтарыңыз үшін зор алғысымызды білдіреміз.

Қаламдарыңызға қызықты тақырыптар ілінсін, ал сіздердің жарияланы мдарыңыздағы әр сөз адамдарды жақсылық жасауға, жарық әлемді нұрландыруға жетелесін!

Кәсіптеріңізге өрлеу, шығармашылықтарыңызға сәттілік, еңбектеріңізге табыс тілейміз! Сіздерге және отбасыларыңызға табыс, бақыт тілейміз! Әр бастамаларыңыз сәттілікпен шынайы өмір айнасына айнала берсін!

Мерейлі мереке құтты болсын, ұшқыр қалам иелері! Сіздерге алдағы уақыттарда да ел игілігі үшін атқарып жатқан жұмыстарыңызда шығармашылық табысқа жете берулеріңізге тілектеспіз.

БАСПАСӨЗ 2024

## АКСУ ӨНІРІ

ҚОҒАМДЫҚ - САЯСИ ГАЗЕТІНЕ 2024 ЖЫЛҒА ЖАЗЫЛУ ЖҮРІП ЖАТЫР!

Ауданның тыныс - тіршілігінен құлағдар болғыңыз келсе, аудандық және ауылдық «ҚАЗПОШТА» байланыс бөлімшелеріне барып жазылыңыздар.

"АҚСУ ӨНІРІ" газетіне 1 жылдық жазылу бағасы - 4414 теңге, 80 тиын және жарты жылға - 2207 теңге 40 тиын.

Газет индексі: 66750

# БІР КҮНДЕ ӨТКЕН ҮШ МЕРЕКЕ

## МЕМЛЕКЕТТІК ҚЫЗМЕТ - МӘРТЕБЕЛІ МІНДЕТ



Мемлекеттік қызметшінің жұмысы терең білімділік пен іскерлікті ғана емес, үлкен жауапкершілікті талап етеді. Әрбір өркениеттің өріне қадам бастаған мемлекеттің ең басты тірегі, оның идеясы мен саясатын алға апарушы мемлекеттік қызметкер болып табылады. Сондықтан да ұлт мәртебесін көтеретін, ел абыройын асқақтататын мемлекеттік қызметкер болу – мәртебелі

міндет. Мемлекеттік қызметші қай кезде де биліктің биік бейнесін, іскерлік қабілетін көрсетеді. 23 маусым – мемлекеттік қызметшілер күні. Осы мерекеге орай, "Қобызшы Молықбай" атындағы мәдениет үйінде мемлекеттік қызметшілер күні зор салтанатпен аталып өтті. Шарада аудан әкімі Тынышбаев Берік Тынышбайұлы мен аудандық мәслихат хатшысы Сүлейменов Бейбіт Жаңылысұлы

құттықтау сөз сөйледі. Өз тағдырын Сіздерге сеніп тапсырған, Сіздердің біліктік пен кәсіпқойлыққа сенім артқан азаматтарға қызмет етуден құрметті мамандық жоқ.

Халық Сіздерден адамгершілікті, патриоттық сезімді, заңдылықты бұлжытпай сақтауды күтеді. Мемлекеттік қызметкерлер жұмысының сапасына әлеуметтік және экономикалық өзгерістер, халық өмірінің деңгейі мен жалпыұлттық жобалардың жүзеге асырылуы тәуелді.

Мемлекет жоғары мамандырылған, ұйымдасқан, құқықтық және нәтижелі басқармасы болған жағдайда ғана табысты болып гүлденеді.

Сіздердің күш - жігерлеріңіз алдағы уақытта да ауданымыздың экономикасын дамытуды қалыптастыру мен халықтың әл - ауқатын арттыруға бағытталатынына сенімдіміз. Қызметтеріңіз бен мемлекеттік қызметке деген адалдық үшін алғыс білдіреміз!,- деп бір топ азаматтар мен азаматшаларды "Алғыс хаттармен" марапаттады.

Шараның соңы жергілікті өнерпаздардың орындауындағы концерттік бағдарламаға ұласты.

Жағымды жаңалықтар көп болсын!



## Мәдениет ошағы халыққа

Ақын Сара мен Біржан сал айтысқан топырақта, «Ешкі өлместің» етегінде ұлттық құндылықтарымызды дәріптейтін керемет мәдени шара өтті.

Ол ұлттық құндылықтарымыздың бірі, иә, бірегейі күні кеше Көшкентал ауылындағы іргетасы 1958 - жылы қаланып, кезінде талай алқалы жиын өткен, кейіннен тозығы жетіп, көптен бері есігі жабық тұрған, қайта жөндеуін ауыл халқы ұзақ күткен мәдениет үйінің күрделі жөндеуден өтіп, халық игілігіне пайдалануға берілуі.

Мәдениет үйінің күрделі жөндеу жұмысына «Ауыл ел бесігі» бағдарламасымен 310 млн. 909,0 мың теңге бөлінді. Мемлекеттік сатып алу шарты бойынша «Молықбай Байсақұлы атындағы Ақсу аудандық мәдениет үйі» МКҚК мен «Азамат Құрылыс» ЖШС арасында 2023 жылғы 22 ақпанда келісімшарт жасалынып, құрылыс жұмысы басталған. Жұмыстың

- деді. Келесі сөз кезегін алған облыстық қоғамдық кеңестің төрағасы Ерғазы Қошанбеков Ақын Сара мен Біржанның айтысы өткен қасиетті топырақта Мәдени ошақтың қайта ашылуын жақсылыққа балады. Құнарлы топырақтан әлі талай өнерпаздар шығатынына сенім білдірді.

Аудандық Ардагерлер кеңесінің төрағасы Амангелі Айтбайұлы да ақ батасын беріп, осы Мәдениет үйінің ірге көтеруіне ұйытқы болған, өмірден өтіп кеткен аға буынға бас иді.

Мәдениет үйінің лентасы қиылып, қонақтар керемет мәдениет ошағын аралап көріп, соңында аудан өнерпаздарының концертін жаңа сахнада тамашалады.

Иә, ауылдағы Мәдениет үйінде 5 үйірме жұмыс істейді екен. Келген қонақтарға қолөнер үйірмесін жүргізетін, тоқыма, шілтер, кесте тігудің шебері Майгүл Сансызбайқызы өзі жасаған және оқушылары

Адам өмірінің сақшысы ақ халатты абзал жандардың алдынан өтпейтін пенде жоқ шығар. Басымыз ауырып, балтырымыз сыздаса да осы ардақты жандардан көмек сұраймыз.

Маусым айының екінші жексенбісі медицина қызметкерлерінің кәсіби мерекесі.

"Қобызшы Молықбай" атындағы мәдениет үйінде дәстүрге сай мерекелік шара ұйымдастырылды.

Мерекелік шарада аудан әкімі Тынышбаев Берік Тынышбайұлы медицина қызметкерлерін құттықтап, соңында облыс, аудан әкімінің Алғыс хаттары мен аудандық мәслихат, "AMANAT" партиясының атынан белсенді қызметкерлерді марапаттады.

Аудандық Ардагерлер кеңесінің төрағасы Амангелді Айтбаев ақсақал осы уақытқа дейін ауруханаға жатып көрмеп едім, жақында қатты науқастанып, сексеннің сеңгірінде алғаш рет дәрігерлердің көмегіне жүгіндім. Сол кезде байқадым олардың жұмысының қаншалықты ауыр екенін. Сондықтан барлық ақ

## АҚ ХАЛАТТЫ АБЗАЛ ЖАНДАРҒА ҚҰРМЕТ



халатты абзал жандарға арнайы Алғысымды айтамын деп, сонынан ақ батасын берді.

Мерекелік шара мәдениет үйі қызметкерлерінің концерттік бағдарламасымен жалғасты.

Шара соңында барлық меди-

цина қызметкерлері мерекелік көңіл күймен естелікке суретке түсіп, көңілді тарқасты.

Ақ халатты абзал жандарға көрсетілген бір күндік құрмет осылай аяқталды.

## ТӘРТІП САҚШЫЛАРЫНЫҢ КӘСІБИ МЕРЕКЕСІ



Жоғарыда атап өткен мерекелік шаралар 23 маусым күні түске дейін бірінен соң бірі қатар өтсе, дәл осы күні

түстен кейін ел тыныштығын кірпік қақпай күзетіп жүрген тәртіп сақшылары кәсіби мерекелерін атап өтті.

Қазақстан полициясының 32 жылдығына арналған мерекелік іс – шара аудандық мәдениет үйінде болды.

Мерекелік шара барысында аудан әкімі Тынышбаев Берік Тынышбайұлы полиция қызметкерлерін кәсіби мерекемен құттықтап, жылы лебізін білдірді.

Ел қорғаны, тәртіп сақшысы, еліне, жеріне адал қызмет атқарып жүрген бірқатар азаматтарды марапаттады.

Аудандық полиция бөлімінің бастығы, полиция подполковнигі Әбішев Талғат Әлетайұлы да кәсіби мерекемен құттықтап, бірқатар марапаттар табыстады. Полиция қызметкері Мақсат Әлімбаев капитан шенін алса, Дина Мұратбекова аға лейтенант шенін е ие болды.

Салтанатты шара концерттік бағдарламаға ұласты. Халықтың тыныштығы мен қауіпсіздігін қорғап, қоғамдық тәртіпті қамтамасыз ету бағытында абыройлы қызмет етіп жүрген полиция қызметкерлеріне арнап аудандық мәдениет үйінің өнерпаздары өнер көрсетті.



дұрыс жүргізілуі «AMANAT» партиясының партиялық бақылауында ғана емес барлық аудан, ауыл тұрғындарының назарында болды. Бүгінгі күні күрделі жөндеу толық аяқталып, техникалық - материалдар сатып алынып, әдемі ғимарат пайдалануға берілді.

Мәдениет ошағының ашылу салтанатында аудан әкімінің орынбасары Күләйхан Дәулетбекова ауыл тұрғындарын құттықтап, мәдени шаралардың көптеп өтуіне тілектестігін білдірді. «Мемлекет тарапынан әлеуметтік салаға үлкен көңіл бөлінуде. Өткен жылы Ақсу ауылдық мәдениет үйі жөндеуден өтіп пайдалануға берілсе, биыл Есеболатов, Матай, Арасан ауылдық мәдениет үйлерінің құрылысы басталды. Сонымен қатар осы ауылдық округтегі Көшкентал орта, Келтабан орталау мектебінің құрылысы жүргізілуде. Көшкентал орта мектебі жыл соңына дейін беріледі. Бұл өлке өнер тунып тұрған орта, Ақын Сара Біржан сал айтысы соның дәлелі. Алдағы уақытта осы киелі жерден дарынды, өнерлі, білімді жастар көптеп шығатыны анық»

жасаған қолөнер бұйымдарын көрсетті. Бұл да ұлтымыздың ұлттық құндылықтарын дәріптеудің бір көрінісі. Мәдени ошақтың кітапханасы уақытша басқа жерге көшірілген. Қорында 16400 кітабы бар кітапхана жарық, жылы, кебу залға қайтадан қоныс теуіпті. Шағын ауылдың тағы бір қуанышы жоғарыда айтылғанымыздай осы жылы пайдалануға берілетін мектеп құрылысы. Тіпті алдымыздағы жылы берілетін Келтабан ауылы да осы округке қарайды. Ендеше, талайдан бері осы ауылға құдайдың беті қараған сияқты.

Ойымды қорытындылай келе, бүгінгі таңда ұлтымыздың рухани байлықтарын көзіміздің қарашығындай сақтап, келешекке жеткіземіз деген мақсатпен ел болып бірлесе жұмыстар жүргізу керек деп есептеймін. Тіліміз бен ділімізді кіршіксіз күйінде болашаққа мирас етіп қалдыру үшін ерқайсысымыз тамшыдай болса да осы шалғайдағы шағын ауыл тұрғындары сияқты үлес қосуымыз керек. Сонда ғана ұлы армандарымыз орындалады деп ойлаймын.

Арнайы бетті дайындаған: Ербол СЫМХАНОВ.

**Қазақ халқы – әлемдегі ең ғажап халық. Қазақты әлем халқына ғажап халық екенін танытып тұрған ол – біздің ұлттық құндылықтарымыз. салт-дәстүр, әдет-ғұрып пен мәдени мұраларымыз, тіліміз және ұлттық қолөнер мен ұлттық киімдер, ұлттық тағамдар, ұлттық ойындар. «Ата салтың –**

**халықтық қалпың» дегендей, өз ұлтымыздың қадір-қасиетін, ой-өрісін танытатын салт-дәстүрімізге, қазақтың мәртебесін көтеретін мұраларымызға құрметпен қарап, оларды қастерлеу – баршамыздың міндетіміз.**

**Ел ауызынан.**

● **ОЙТАМЫЗЫҚ**

Қазір біз еңсесі биік, заңы, тілі, бағыты, мақсаты айқын мемлекетпіз. Еліміздің өзіне тән белгісі, нышаны бар. Дүниежүзі қазақ елін осы нышандарымен, оюымен, домбырасымен таниды. Ұлттық мерекеміз Наурызымыз әлемдік деңгейде тойланатындығының өзі қандай мақтаныш! Қазақ халқы қарапайымдылығымен ерекше. Адалдық, ақкөңілділік, адамгершілік тек қазақтардың бойынан табылатын жақсы қасиеттер.

Қазақ ежелден ырымшыл, мәдениетті, салт-дәстүрге берік, бауырына барын беріп, қызын қонағындай сыйлаған, тарихын, елін сатпаған, бүгінгіне шүкір етіп, ертеңіне үмітпен қараған, қонағын төрге шығарып, құшағын кең ашқан ұлы халық! Осындай ұлттық құндылықтарды сақтап қалуға, жойылып кетпеуіне біз бәріміз бірге жауаптымыз. Ұлттық құндылықтар — әрбір ұлттың болмысында ғасырлар бойы атадан балаға мирас болып келе жатқан адамгершілік қағидаттары. Ғасырдан - ғасырға жеткен халықтың қазынасы – тілі, діні, салт-дәстүрі, әдебиеті мен өнері ұлтымыздың рухани байлығы. Ұлттық болмыс, ұлтты құрметтеуден оның ішінде отбасы тәрбиесінен басталады. Отбасы — тәрбиенің тамаша мектебі. Үлкенді сыйлауға, ана тілін ардақтауға, салт - дәстүрімізді сақтауға тәрбиеленсек, ұшқанда да соны іліп, жүрген жерімізде сол құндылықтарды дәріптейміз.

Әкесі мен баласы, қызы мен анасы, жазбала мен бойжеткен арасындағы жарасты қарым - қатынас отбасындағы ұлттық дәстүрді берік ұстанудың бір жолы. Тіптен руға бөлініп өз ата қанының

**ҰЛТТЫҚ ҚҰНДЫЛЫҚ – ТӘРБИЕ ӨЗЕГІ**



бұзылмауын қадағалаған. Ұрпағын елжанды, ұлтының ұлылығын ұлықтайтын азамат етіп тәрбиелеуде ана тілінің нәрімен сусындатып, өз мейірімін төккен. Елге қалтқысыз қызмет етуді ойлаған асыл ерлеріміз жеке басының мүддесінен халық мүддесін жоғары қойған.

Мемлекет болғасын дамуда, өзгеруде, дағдарыстардың да болып тұруы заңдылық.

Бәрі өтеді, кетеді. Алайда әр ұлтта өзіне тән жойылмайтын ұғымдар болады. Сондай ұғымдардың қатарында отбасы, тәрбие ұғымдары да бар. Олар

– мәңгілік ұғымдар. Ұлтты сақтайтын да, өркендететін де ұлттық тәрбие. Ал ұлттық тәрбиенің ұстаханасы, әлбетте отбасы. Отбасындағы тәрбие ұлттық ерекшеліктерді сақтай отырып қалыптасады, әртүрлі жолдармен ұрпақтан ұрпаққа жетеді. Ұлттық құндылықтарымыздың сақталуы да, дамуы да ұрпағымызға берілетін тәлім - тәрбиемізге тікелей байланысты.

Отбасындағы дәстүрлі тәрбиені қалыптастыратын ата-ана. Ұлттық қазынамызды сақтаудағы отбасының қызметі туралы көп айтуға болады. Айтып та келеміз. Қоғам, мектеп, қоғамдық ұйымдар, бірлестіктер, орталықтар, т.б. бірігіп атқарылып жатқан шаралар қаншама... Қазақ отбасындағы жақсы жетістіктер, тәжірибелер – ұлтымыздың ортақ олжасы.

Шынымен де, біздің ұлтымыздың өзегінде ең алдымен адам тәрбиесі, әдет - ғұрпы, салт-санасы, өзге ұлтта жоқ құндылықтары бар. Бұл қазақтың қадір - қасиетінің қаншалықты тереңде, қаншалықты биікте, қаншалықты кеңістікте болғанын көрсетеді.

Ал, өзгерген әлемге сапалы адам керек. Алайда, сапалы боламыз деп көрінгенге еліктеп ұлтымызды, тарихымызды, тілімізді, салт-дәстүрімізді жоймай, ата-бабамыздың ұлттық құндылықтардан тұратын мұрасы – ұлттың қазынасын ұрпаққа үйретіп, бабалар ізін, аманатын жалғастыруға міндеттіміз.

**Серікхан ЖАКУПОВ,**  
**«AMANAT» партиясы аудандық филиалының төрағасы.**

**АҚСУ АУДАНЫ ӘКІМДІГІНІҢ ҚАУЛЫСЫ**

ЖОБА

Ақсу ауданы әкімдігінің 2021 жылғы 11 қазандағы «Ақсу ауданының аумағында стационарлық емес сауда объектілерін орналастыру орындарын айқындау және бекіту туралы» №505 Қаулысына өзгерістер енгізу туралы

Ақсу ауданының әкімдігі **ҚАУЛЫ ЕТЕДІ:**

1. Ақсу ауданы әкімдігінің 2021 жылғы 11 қазандағы «Ақсу ауданының аумағында стационарлық емес сауда объектілерін орналастыру орындарын айқындау және бекіту туралы» №505 Қаулысына (Нормативтік құқықтық актілерді мемлекеттік тіркеу тізілімінде №24783 болып тіркелген) келесі өзгерістер енгізілсін: көрсетілген қаулының қосымшасы осы қаулының қосымшасына сәйкес жаңа редакцияда жазылсын.
2. Осы Қаулының орындалуын бақылау Ақсу ауданы әкімінің жетекшілік ететін орынбасарына жүктелсін.
3. Осы Қаулы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Лауазымы

Аты-жөні



2021 жылғы 11 қазандағы №505 Қаулысына қосымша

**АҚСУ АУДАНЫНЫҢ АУМАҒЫНДА СТАЦИОНАРЛЫҚ ЕМЕС САУДА ОБЪЕКТІЛЕРІН ОРНАЛАСТЫРУ ОРЫНДАРЫ**

№	Орналасу орны	Алатын алаңы (шаршы метр)	Жақын орналасқан инфрақұрылым (ұқсас тауарлар ассортименті сатылатын сауда объектілері, сондай-ақ қоғамдық тамақтану объектілері)	Қызмет саласы	Сауда қызметін жүзеге асыру кезеңі, (жыл)
1	Қапал ауылы, Аль-Фараби және М.Алыбаев көшелерінің қиылысында (оң жағында "Алатау" дүкені орналасқан)	90	«Алатау» дүкені	Бөлшек сауда (ауыл шаруашылық өнімдерін сату)	5
2	Қызылагаш ауылы, Жібек жолы көшесі №2А,	1120	жоқ	Бөлшек сауда (ауыл шаруашылық өнімдерін сату)	5
3	Қызылагаш ауылы, Жібек жолы көшесі №54, Қызылагаш су тасқыны құрбандарына арналған ескерткіштің сол жағында	2400	«Ырыс» дүкені	Бөлшек сауда (ауыл шаруашылық өнімдерін сату)	5
4	Келтабан ауылы, Тас жол көшесі, на-мазхана ғимаратының оң жағында	968	жоқ	Бөлшек сауда (ауыл шаруашылық өнімдерін сату)	5

**ПОСТАНОВЛЕНИЕ АКСУСКОГО РАЙОННОГО АКИМАТА**

ПРОЕКТ

О внесении изменений в постановление акимата Аксуского района от 11 октября 2021 года №505 «Об определении и утверждении мест размещения нестационарных торговых объектов на территории Аксуского района»

Акимат Аксуского района **ПОСТАНОВЛЯЕТ:**

1. Внести в постановление акимата Аксуского района от 11 октября 2021 года №505 «Об определении и утверждении мест размещения нестационарных торговых объектов на территории Аксуского района» (зарегистрировано в Реестре государственной регистрации нормативных правовых актов под №24783) следующие изменения: приложение к указанному постановлению изложить в новой редакции согласно приложению к настоящему постановлению.
2. Контроль за исполнением настоящего постановления возложить на курирующего заместителя акима Аксуского района.
3. Настоящее постановление вводится в действие по истечении десяти календарных дней после дня его первого официального опубликования.

Должность

ФИО



Приложение к постановлению от 11 октября 2021 года №505

**МЕСТА РАЗМЕЩЕНИЯ НЕСТАЦИОНАРНЫХ ТОРГОВЫХ ОБЪЕКТОВ НА ТЕРРИТОРИИ АКСУСКОГО РАЙОНА**

№	Месторасположение	Занимаемая площадь (квадратный метр)	Близлежащая инфраструктура (торговые объекты, в которых реализуется схожий ассортимент товаров, а также объекты общественного питания)	Сфера деятельности	Период осуществления торговой деятельности, (лет)
1	Село Капал, на пересечении улиц Аль-Фараби и М. Алыбаева (с правой стороны расположен магазин «Алатау»)	90	Магазин «Алатау»	Розничная торговля (реализация сельскохозяйственной продукции)	5
2	Село Кызылагаш, улица Жібек жолы №2А вдоль ограждения парка	1120	нет	Розничная торговля (реализация сельскохозяйственной продукции)	5
3	Село Кызылагаш, улица Жібек жолы №54 с левой стороны памятника жертвам Кызылагашского наводнения	2400	Магазин «Ырыс»	Розничная торговля (реализация сельскохозяйственной продукции)	5
4	Село Колтабан, улица Тасжол, с правой стороны здания комнаты для молитв	968	нет	Розничная торговля (реализация сельскохозяйственной продукции)	5






















# Ілияс - ЖЫР ҚҰЛАГЕРІ



Ілияс Жансүгіров - қазақ әдебиетінің барлық жанрларында қалам тартып, елеулі туындылар берген әмбебап дарын. Әсіресе, ол өзінің аса қуатты суреткерлік талантын поэзия жанрында көрсетіп, күллі қазақ әдебиетінің мақтанышына айналған туындылар берді. Оның шығармалары - қазақ әдебиетін ұдайы көркемдіктің шырқау шыңына бастай беретін мәңгілік үлгі енеге. Ол өмірдің сырын біліп, айналасын танып қана қойған жоқ, өзгеге де тануға көмектесіп, қазақ халқының санасын оятып, көкірек көзін ашуға да зор үлес қосқан. Сондықтан да ақын мұрасын аялау, халқымыздың сөз



байлығын жинаудағы оның алатын орнын ғылыми еңбектерде ескеріп отыру - әрбір әдебиетшінің, мәдениетті ұрпақтың азаматтық парызы, ғалымдық борышы болса, оның қазақ тарихында алатын айрықша орнын, атқарған орасан зор еңбектерін білу, дәріптеу әрбір қазақ баласының міндетті. 19 маусым күні Қызылағаш ауылдық модельді кітапхана к і т а п х а н а ш ы л а р ы н ы ң ұ й ы м д а с т ы р у ы м е н кітапханамыздың тұрақты оқырмандарымен, қазақ ақыны, драматург, прозик Ілияс Жансүгіровтың 130 жылдық мерейтойына орай "Ілияс - жыр құлагері" атты поэзия кеші өтті. Шараға аудандық

кітапханасының директоры Дүйсекова Эльмира, аудандық кітапханасының орынбасары Сүлейменова Шолпан, Жастар ісі жөніндегі әдіскер-нұсқаушы Қайсар Бағзор, зейнеткер Сапирова Сәуле және де кітапханамыздың тұрақты оқырмандары қатысты.

Шара барысында Ілияс Жансүгіровтың өлеңдерін мәнерлеп оқып, қызықты ойындар ойнатылды. Шара соңында оқырмандар өнерлерін ортаға салды. Шараға 35 оқырман қатысты.

**С.ХАСАНОВА,**  
Қызылағаш ауылдық модельді кітапхана кітапханашысы.

**МЕМЛЕКЕТТІК ҚЫЗМЕТ АТҚАРУ ҚОҒАМ МЕН МЕМЛЕКЕТ ТАРАПЫНАН ЕРЕКШЕ СЕНІМ БІЛДІРУ БОЛЫП ТАБЫЛАДЫ ЖӘНЕ МЕМЛЕКЕТТІК ҚЫЗМЕТШІЛЕРДІҢ ҚЫЗМЕТТІК ӘДЕБІНЕ ЖОҒАРЫ ТАЛАПТАР ҚОЯДЫ. ҚАЗАҚСТАН РЕСПУБЛИКАСЫ МЕМЛЕКЕТТІК ҚЫЗМЕТШІЛЕРІНІҢ ӘДЕП КОДЕКСІНЕН.**

## Әдеп Кодексіндегі мемлекеттік қызметшінің талаптары

Бүгінде мемлекеттік қызметшілердің әдеби мен мінез - құлық мәселелеріне үлкен мән беріледі. Мемлекеттік қызметші имиджінің тұтастығы жоғары кәсібилік пен жеке құзыреттердің, моральдық - адамгершілік қасиеттердің және әдептілік мінез-құлықтың көрінуіне негізделген. «Мемлекеттік қызметшінің әдеби және мінез-құлық нормалары» нұсқаулығында мемлекеттік қызметшілердің жұмыс уақытында және жұмыстан тыс уақытта негізгі мінез-құлық қағидалары қарастырылған, жағдаяттық мысалдар негізінде мемлекеттік қызметшілер үшін қысқаша нұсқау ұсынылған және мемлекеттік қызметшілердің практикасында бейәдеп мінез-құлық фактілерінің ең көп тараған түрлері келтірілген. Бұдан басқа, осы жұмыста мемлекеттік қызметшілердің парасаттылық мәдениетін қалыптастырудың негізгі аспектілері берілген. Мемлекеттік қызмет қашанда мінсіз болуы тиіс.

Себебі, елдің ертеңі соларға байланысты. Бір сөзбен айтқанда, олар билік пен қарапайым халық арасын жалғайтын алтын көпірге айналуы керек. Сонымен қатар, мемлекеттік қызметшілерге қызметтік әдепті сақтау жөнінде қойылатын негізгі талаптар көзделеді. Бұл ретте, әдептік мінез - құлық шеңбері мемлекеттік қызметшілердің Әдеп Кодексінде бекітіліп, оның сақталуын бақылауды әдеп жөніндегі уәкіл жүзеге асырады. Мемлекеттік қызметшілердің сырт келбеті олардың қызметтік міндеттерін орындау кезінде мемлекеттік аппараттың беделін нығайтуға ықпал етуге, іскерлікпен, ұстамдылықпен және ұқыптылықпен ерекшеленетін жалпы қабылданған іскерлік талаптарына сай болуға тиіс.

**Бекзат ЕРМҰХАНБЕТОВ,**  
аудан әкімі аппаратының басшысы,  
әдеп жөніндегі уәкілі.

## ӘКЕШІМ - БӘЙТЕРЕГІМ

«Әке» деген сөзді айтқанда өзіңе пана болар, қиындыққа қалдырмас, арманыңа қол созсаң ақ батасын беріп ақ жол тілейтін адамың екенін бала жүрегі сезердей. «Екең барда орындар арманың», - дегендей өмірдегі керегінді алдымен бір Алла, екінші екең берері анық.

Ендеше бар баланың бақытына бір Алладан кейінгі панасы «Әкелер» аман болса екен деймін.

Қаракөз ауылдық кітапханасы Әкелер күніне орай көп балалы әке Бабиқов Асқар Алтыбайұлымен «Әкешім - бәйтерегім» атты өнеге сағат өткізді. Қазақ «әке - асқар тау, ана - баурайындағы бұлақ, бала - жағасындағы құрақ» деген бірауыз сөзге бүкіл тәрбиенің бастауын сыйғыза білген. Асқар тауының тәрбиесін көріп, асыл қасиеттерін бойына сіңіріп өскен ұрпақ жаман болмайды, - деп сенген. Өмірде әкесін жақсы көрмейтін бала жоқ шығар, өйткені бала үшін әкенің орны бөлек қой. Менің өмірдегі қымбат, ең қымбат адамым ол



- Сіз менің сүйікті әкешім. Сіз менің кішкентайдан ақылшым, қамқоршым болдыңыз. Мен сізден көп тәрбие алдым. Сіздің бақытты аман - сау болуыңызды тілеймін, - деп Алтыбай Кәусар Асқарқызы әкесіне жүрекжарды тілегін айтты.

Оқырмандар әкелеріне арнап өлеңдер шумағын мәнерлеп оқыды, әкесін мерекемен құттықтады.

**Б.АБЕЕВА,**  
Қаракөз ауылдық кітапханасының БПҰ мүшесі.

## Кітаппен өткен жаз қызық

Жарқын жаз мезгілі - кітапхана жұмысындағы ерекше кезең. Осы кезеңде балалардың бойындағы оқуға деген ниеттерін қолдау өте маңызды болып табылады. Балалар кітапханасы жазда оқушылардың бос уақытын тиімді пайдалануға бағыттап отырып, кітап оқуға, түрлі бағыттағы іс-шараларға тарту арқылы демалыстарын тиімді қолайлы өткізуге ықпал етеді. Арамызда кітапты көзімен емес, санасымен оқитын, көңіліне тоқитын оқырмандардың көп болғандығын қалаймыз.

Балалардың жыл бойы сабақ барысындағы тоқсан арасындағы берілетін демалыстарға қарағанда жаз айындағы демалыстары ерекше қызықты өтіп естерінде қалады. Өйткені, жаз мезгіліндегі бұл уақыт балалардың негізгі сабақтан, үйреншікті тіршілік қарекетінен босап, өзінің қызығушылығымен айналысуына мүмкіндік береді. Оқырмандардың кітап оқу дағдыларын шыңдай, отырып оқырман мәдениетін қалыптастыру мақсатында «Жарқын жаз кітаппен бірге» атты жоба аясында Қ.Сәтбаев атындағы орта мектеп - гимназиясының жанынан құрылған «Балдәурен» жазғы тынығу лагерінің I - кезеңінде тәрбиешілік еткен А.Баймұханбетова, Ж.Махмұтова, Д.Тұрдахунова апайлардың атсалысуымен



балалардың қатысуымен әртүрлі мазмұндағы «Бақытты ұрпақ

- нұрлы жаз», ойын сағаты, «Табиғат тазалығы кімнен баста-

лады?» атты шаралар арқылы демалыста балаларды кітапқа

деген қызығушылықтарын арттыру бағытында іс-шаралар өткізілді. Сондай-ақ, әкелерді құрметтеу және бағалау үшін аталып өтетін мереке күні қарсаңында балалар өлең жолдарын оқып, сұрақтарға жауап берді. Балалар Н.Саматқызы, Н.Тыныбек отбасының тірегі, қамқоршысы, әкелеріне құттықтау тілектерін жеткізді.

Оқу жылы аяқталғаннан кейін балалар көптен күткен демалыстарын жоспарлап отырғаны белгілі. Демалыстың әр күнін пайдалы өткізуге тырысқан жөн. Ала жаздай кітап бетін ашпай кетуге болмайтынын, әсіресе, көркем әдебиет оқуға таптырмайтын уақыт екенін ескерсеңіздер екен.

Жақсы оқушы жазғы демалысқа шықтым екен деп, кітап бетін ашпай жүрген балаларға ерекше көңіл - күй сыйлап, еліміздің ертеңі болар жас ұрпақты жазғы демалыстарын тиімді пайдаланып, рухани азық болар қызықты кітаптарды оқуға шақырамыз! Әлемдегі барша бала бақытты, келешегі жарқын болсын!

Ақсу аудандық балалар кітапханасы «Ақын Сара» атындағы жастар мәдениет үйінде орналасқан. Кітапханаға жиі келіңіздер! Бірге ізденіп, бірге оқыық, бірге еңбек етейік.

**Б.ӘБІДХАМИТҚЫЗЫ,**  
аудандық балалар кітапханасының меңгерушісі.

# ҰРПАҚ ҰМЫТШАСЫН ДЕСЕК...



«Атамнұн Аманату» қоғамдық бірлестігі жастарды рухани-адамгершілік, әскери-патриоттық тәрбиелеуге бағытталған жобаларды жүзеге асыруды жалғастыруда. Биыл бұл шаралар Кеңес Одағының Батыры, Халық Қаһарманының, армия генералы С.Нұрмағамбетовтың 100 жылдығын және Халық Қаһарманы Р.Қошқарбаевтың 100 жылдығын мерекелеу аясында өтуде.

«Қазақстандықтардың Екінші дүниежүзілік соғыс майдандарындағы ерлігі» тақырыбындағы «Батыр баба тарих» викторинасы 2024 жылдың қаңтар-сәуір айлары аралығында өтті. Жарысқа 30 команда қатысты. Зияткерлік ойынның финалына «Келік және коммуникациялар жоғары колледжі», «Астана халықаралық университетінің» педагогикалық колледжі, З.Г.Мырзағұлова атындағы жоғары «Даналық» медициналық колледжі, «М.Жұмабаев атындағы халықаралық колледжі», «Шипагер» медициналық колледжі, «Сервис және туризм колледжі» командалары шықты.

Викторинаның финалы 2024 жылдың 26 сәуірінде өтіп, онда колледж студенттері өз командаларына белсенді қолдау көрсетті. Зияткерлік ойынның жеңімпаздары кубоктармен, құрмет грамоталарымен және бағалы сыйлықтармен марапатталды.

«Атамнұн Аманату» ұйымының атына мұндай викторинаны өткізу қажеттілігі туралы жастардан да, колледж оқытушыларынан да көптеген оң пікірлер мен ұсыныстар келіп түсті.

Сонымен қатар, 2024 жылдың 22 мамырында Астана қаласындағы Достық үйінде «Аталар аманатына адалмыз» атты дөңгелек үстел өткізілді. Оған аты аңызға айналған батырлардың ұрпақтары – Лира Нұрмағамбетова мен Дәурен Қошқарбаев, белгілі ғалымдар мен Қазақстан Республикасы Қорғаныс министрлігінің өкілдері қатысты.

Орта арнаулы оқу орындары мен «Атамнұн аманаты» қоғамдық ұйымы арасында жастарды патриоттыққа рухта тәрбиелеу бойынша қол қойылған меморандумға сәйкес, 2022-2024 оқу жылында белсенді қызмет атқарған колледждер Кеңес Одағының Батыры – қазақстандықтардың ерліктері туралы баяндамалар дайындады.



Бұл шара ұрпақ сабақтастығының символына айналып, жастардың бойында рухани-адамгершілік құндылықтарды нығайта түскеніне сенімдіміз.

Астанадағы Триатлон паркте өткен 5 және 10 шақырымдық жарыс Кеңес Одағының Батыры, Халық Қаһарманы, тұңғыш қорғаныс министрі, армия генералы Сағадат Нұрмағамбетов пен Халық Қаһарманы Рахымжан Қошқарбаевтың жүз жылдық мерейтойы аясындағы бір айтулы шара болды.

Жарыс «Атамнұн Аманату» ҚБ мен Қазақстан Республикасының Қорғаныс министрлігінің ұйытқы болуымен ұйымдастырылды.

Оған Қарулы Күштердің, Ұлттық қауіпсіздік комитеті Шекара қызметінің, Ұлттық ұланның мыңға жуық әскери қызметшілері мен төрт жүзден астам кәсіби желаяқтар мен спорт әуесқойлары қатысты.

Марафонға қатысушыларды «Қарулы Күштер ардагерлері» РҚБ төрағасының орынбасары, отставкадағы генерал-майор Марат Нағұманов құттықтады:

– Спорттық шараларды атақты жауынгерлерді еске алу жақсы дәстүрге айналды. Өткен жылы тура осы жерде екі мәрте Кеңес Одағының Батыры, авиация генерал-майоры Талғат Бегелдинов арналған жарыс өткен еді. Бүгінгі жарыс аты аңызға айналған батырлар Сағадат Нұрмағамбетов пен Рахымжан Қошқарбаевтың жүз жылдығына орай ұйымдастырылып отыр. Осы аламанға қатысу – олардың ғасырлар бойы жасай беретін ерліктеріне деген тағзым мен құрмет.

Сондай-ақ, 2024 жылдың 31 мамырында біздің бірлестігіміз Қазақстан Республикасы Құрлық әскерлерінің Ақмола гарнизонында орналасқан 68655 әскери бөлімінде елордалық студенттерге арналған «Ашық есік күнін» ұйымдастырды. Онда болашақ Отан қорғаушылар сарбаздардың тұрмыс жағдайын өз көздерімен көрді, салтанатты әскери ант қабылдауға куә болып, қару-жарақ пен әскери техника түрлерімен танысты.

Бұл іс-шара жастар арасында әскери қызмет мәртебесін көтеруге, патриоттық сезімдерін дамытуға ықпал етті деп ойлаймыз.

**«АТАМНҰН АМАНАТУ»**

**ҚОҒАМДЫҚ БІРЛЕСТІГІ.**

**Ақсу ауданы бойынша Мемлекеттік кірістер басқармасы «Салық және бюджетке төленетін басқа да міндетті төлемдер туралы» Қазақстан Республикасы Кодексінің 19-бабына сәйкес өз құзыреті шегінде келесіні хабарлайды.**

## **БКМ есепке қою және тіркеуден шешу.**

Салық органы бақылау-касса машиналарын есепке қою кезінде, фискалдық деректер операторының мәліметтерін алған күннен бастап үш жұмыс күні ішінде, бақылау-касса машинасының тіркеу нөмірін беруді және тіркеуші органның лауазымды адамының электрондық цифрлық қолтаңбасымен куәландырылған электрондық құжат нысанында бақылау - касса машинасының тіркеу карточкасын қалыптастыруды жүргізеді.

Бақылау-касса машинасының тіркеу карточкасында көрсетілген мәліметтерді өзгертуді салық төлеуші өзгерістер туындаған кезден бастап бес жұмыс күні ішінде жүзеге асырады. Салық органы, бақылау-касса машинасының есепке қойылған жері бойынша, фискалдық деректер операторының мәліметтерін алған күннен бастап, бір жұмыс күні ішінде бақылау-касса машинасының тіркеу карточкасын ауыстыруды.

Салық органы деректерді тіркеу және беру функциясы бар бақылау-касса машинасын есептен шығаруды, фискалдық деректер операторының мәліметтерін алған күннен бастап, бір жұмыс күні ішінде жүргізеді. Деректерді тіркеу және беру функциясы бар бақылау-касса машиналарын салық органында есепке қою, тіркеу деректеріне өзгерістер енгізу, есептен шығару фискалдық деректер операторының мәліметтері бойынша жүзеге асырылады.

## **Кассалық аппаратты кім қолдануы керек.**

Қазақстан Республикасының аумағында ақшалай есеп айырысулар (қолма-қол ақша және (немесе) төлем карточкаларын пайдалана отырып есеп айырысулар) модельдері мемлекеттік тізілімге енгізілген, деректерді тіркеу және беру функциясы бар бақылау-касса машиналары міндетті түрде қолданыла отырып жүргізіледі.

Жеке тұлғалардың, жеке сот орындаушылар, адвокаттар

## **ОНЛАЙН БАҚЫЛАУ - КАССА МАШИНАСЫ**

мен медиаторлардың, уәкілетті мемлекеттік орган бекіткен нысан бойынша билеттерді бере отырып, қалалық тасымалдау бойынша халыққа қызмет көрсететін қоғамдық көліктердің, Қазақстан Республикасының Ұлттық Банкінің, қызметі ортақ пайдаланылатын телекоммуникация желілері жоқ жерлердегі салық төлеушілердің, екінші деңгейдегі банктердің, діни бірлестіктер, жалпыға ортақ телекоммуникация желісі жоқ жерлерде жүзеге асырылатын қолма-қол есеп айырысуды қоспағанда, ұлттық пошта операторы, арнаулы мобилді қосымша арқылы жүргізілетін ақшалай есеп айырысуларына онлайн бақылау-касса машинасын қолданылмайды.

Қызметі ортақ пайдаланылатын телекоммуникация желілері жоқ жерлердегі салық төлеушілер ақшалай есеп айырысуларды жүзеге асыру кезінде модельдері мемлекеттік тізілімге енгізілген, деректер беру функциясы жоқ бақылау - касса машиналарын қолданады.

Сауда операциялары немесе қолма-қол ақша арқылы қызметтер көрсету кезінде ақшалай есеп айырысуларды жүзеге асыратын сауда автоматтары мен көрсетілетін қызметтерге ақы төлеу терминалдары деректерді тіркеу және беру функциясы бар бақылау-касса машиналарымен жарақтандыруға жатады.

## **Фискалдық түбіртек қандай мәліметтерді қамтуы керек.**

Бақылау - касса машинасының чегі салық төлеушінің атауын, салық төлеушінің сәйкестендіру нөмірін, бақылау-касса машинасының зауыттық нөмірін, бақылау-касса машинасының салық органындағы тіркеу нөмірін, чектің реттік нөмірін, тауарларды сатып алу, жұмыстарды орындау, қызметтерді көрсету жасалған күн мен уақытты, тауардың, жұмыстың, көрсетілетін қызметтің бағасын және сатып алу сомасын, фискалдық белгіні, деректерді тіркеу және беру функциясы бар бақылау-касса

машиналарының бақылау чегінің төлнұсқалығын тексеру үшін фискалдық деректер операторының атауын және фискалдық деректер операторы интернет-ресурсының деректемелерін қамтуға тиіс.

Валюта айырбастау, металл сынықтарын, шыны ыдысты қабылдау пунктерінде, ломбардтарда қолданылатын бақылау-касса машиналарының чегі сату сомасы және сатып алу сомасы туралы ақпаратты қосымша қамтуға тиіс.

2022 жылдан бастап мемлекеттік тізілімге енгізілген онлайн бақылау-касса машиналарын пайдаланатын салық төлеушілер сатып алушының ЖСН енгізу функциясын қосу арқылы бақылау-касса машиналарын қайта бағдарламалауы қажет.

Деректерді тіркеу және (немесе) беру функциясы бар бақылау-касса машинасының чегі тауарларды, жұмыстарды, көрсетілетін қызметтерді сатып алушының (клиенттің), алушының талап етуі бойынша сатып алушының (клиенттің), алушының сәйкестендіру нөмірін де қамтуға тиіс.

Осылайша, тауарды сату (қызмет көрсету) кезінде сатып алушы-касса машинасының чегін беруге және сатып алушының өтініші бойынша бақылау-касса машинасының чегінде сатып алушының, алушының ЖСН көрсетуге міндетті.

## **Сатып алушының өтініші бойынша фискалдық түбіртек қазақ тілінде берілуі тиіс.**


«Қазақстан Республикасындағы тіл туралы» Қазақстан Республикасы Заңының (бұдан әрі – Заң) 4-бабына сәйкес, Қазақстан Республикасының мемлекеттік тілі – қазақ тілі. Мемлекеттік тіл - мемлекеттің бүкіл аумағында қоғамдық қатынастардың барлық саласында қолданылатын мемлекеттік басқару, заң шығару, сот ісін жүргізу және іс қағаздарын жүргізу тілі. Заңның 10-бабына сәйкес, ҚР мемлекеттік органдары жұйесінде, ұйымдарында, меншік нысанына қарамастан, статистикалық есеп, қаржы және техникалық құжаттама жүргізу мемлекеттік тілде және орыс тілінде қамтамасыз етіледі.

Мемлекеттік тізілімге, техникалық талаптарға сәйкес келетін, бақылау-касса машиналары енгізіледі. Яғни, мемлекеттік тілді ауыстыру техникалық талаптармен қарастырылған.

**АҚСУ АУДАНЫНЫҢ КІРІСТЕР БАСҚАРМАСЫ.**

● МАМАН КЕҢЕСІ

# А ВИРУСТЫҚ ГЕПАТИТІ



А вирустық гепатиті – вирус көзі науқас адам болып табылатын жіті инфекциялық ауру. Гепатиттің қоздырғышы – вирустардың ішек тобына жататын вирус.

Вирус организмге ішек инфекцияларына тән: су, тағамдық және тұрмыстық-қарым-қатынас жолдарымен түседі.

Бұл ретте берілу факторлары: лас қолдар, сондай-ақ вирус жұқтырған барлық заттар (азық-түлік, көкөністер, жемістер, жидектер, асқөк) болып табылады.

Жұқтыру шаруашылық - нәжіс ағындарымен ластанған су айдындарында шомылу кезінде болуы мүмкін. Сарғаюсыз, аурудың белгісі аз және субклиникалық нұсқалары бар адамдарда негізгі эпидемиологиялық маңызы бар. Вирус бауырды зақымдайды, вирус бөлшектері асқазан-ішек жолдарының сілемейлі қабығы арқылы сіңіріледі және қан айналымының жалпы жүйесіне түседі.

Вирус сау адамның организмге түскеннен кейін жасырын өтеді, инкубация деп аталатын жасырын кезең А гепатиті кезінде 14 күннен 35 күнге дейін созылады. Содан кейін аурудың белгілері пайда болады: дене қызуы көтеріледі, бас ауырады, төбет төмендейді, әлсіздік, жүректің айнуы, құсу байқалады. Көптеген ауырған адамдарда катаралдық құбылыс, тамақтың қызаруы байқалады. Зәр қараяды, сыраның түсіне ұқсайды, керісінше нәжіс ағарады.

А гепатитінің вирусы сарғаю пайда болғаннан бұрын науқастың нәжісімен бөліне бастайды, яғни сарғаю кезеңінің алдында пайда болады.

Аурудың осы кезеңінде ауырған адамдар айналасындағылар үшін барынша қауіпті болып табылады. Сарғаю кезеңінің пайда болуымен (көздің ағының және тері жабындарының боялуы) вирустың бөлінуі күрт азаяды және жұқтыру күрт төмендейді. Ауырып сауыққаннан кейін тұрақты, өмірлік иммунитет пайда болады. Профилактикалық шараларды сақтау кезінде аурудың алдын алуға болады.

### А гепатитінің алдын алу шаралары:

- тамақ ішер алдында, дәретханаға барғаннан кейін, жұмыстан, серуеннен қайтып оралған кезде қолды жуу;
  - ашық су айдындарынан қайнамаған суды ішпеу және оны-нен жемістер мен көкөністерді жуу;
  - ағынды сулар түсуі мүмкін су айдындарында шомылмау;
  - адамдар болатын үй-жайларда: үйде, жұмыста, қоғамдық тамақтану объектілерінде, сауда, коммуналдық, өнеркәсіптік үй-жайларда тазалықты сақтау;
  - экзотикалық өнімдерді, әсіресе шикі устрицаны, мидия, моллюскаларды тұтынбау.
- А вирустық гепатитінің алдын алу үшін арнайы профилактика – вакцинациялау. Вакцинациялауға:
- 1). екі жастағы балалар;
  - 2). А вирустық гепатиті ошақтарында байланыста болған күннен бастап алғашқы екі аптаны қоса алғанда, он төрт жасқа дейінгі байланыста болған адамдар;
  - 3). 14 жасқа дейінгі балалар, В және С созылмалы вирустық гепатиттерімен ауыратын ремиссия кезеңіндегі адамдар жатады.

# ДЕЗИНФЕКЦИЯ ТҮРЛЕРІ



Дезинфекция - вирус, саңырауқұлақ немесе бактерия адаммен байланысқа түскенге дейін (теріге немесе тыныс алу жолдары арқылы ағзаға енеді) патогендерді жоюға бағытталған арнайы іс-шаралар кешені (механикалық және химиялық қасиеттер). Қарапайым тілмен айтқанда, бұл адамдар үшін патогенді микробтарды жою процесі. Дезинфекция олардың вегетативті және споралық формалары толық жойылғанға дейін жүргізіледі.

Дезинфекцияның негізгі мақсаты - патогендік және шартты патогенді микроорганизмдердің (споралық формаларды қоспағанда) объектілерінде залалсыздандыру арқылы инфекцияның, жұқпалы аурулардың таралуының алдын алу және тіршілік ету үшін қауіпсіз тіршілік ету ортасын құру және қолдау.

Қауіпті аурулардың қоздырғыштары жиналып, таралуға бейім. Микробтарды жою арқылы бұл процеске кедергі жасау - бұл дезинфекцияның міндеттері болып табылады.

Дезинфекция түрлері. Жоғарыда аталған мақсаттарға қол жеткізу бірнеше жолмен жүзеге асырылуы мүмкін: профилактикалық, қорытынды және ошақты дезинфекциялау арқылы.

Профилактикалық дезинфекция деп үй-жайлар ішінде (аурухана палаталарында, мектеп сыныптарында, кәсіпорындар цехтарында, ұйымдар кеңселерінде) инфекциялардың таралуын болдырмауға бағытталған шаралар кешені. Профилактикалық дезинфекция жұқпа көзі болмаған жағдайда жасалады.

Егер инфекцияның эпицентрі анықталса, инфекцияны оқшаулауды және бейтараптандыруды көздейтін ошақты емдеу жүргізіледі.

Патогендік организмдердің жиналуын жойғаннан кейін бөлмеде аурудың қоздырғыштары қалуы мүмкін, олар бөлменің қайта инфекциясын тудыруы мүмкін, сондықтан жол бермеу үшін

қорытынды дезинфекция жасалады.

Профилактикалық және қорытынды дезинфекцияны дұрыс жүргізу өте маңызды, өйткені мұндай емдеу түрлері бөлменің бактериялармен ластану ықтималдығын азайтуға мүмкіндік береді.

Өңдеу дәрежелері. Өңдеудің барлық түрлері әртүрлі дәрежеде жүзеге асырылуы мүмкін. Дәрежелерді жіктеу үшін бірнеше деңгейлер енгізілген:

\* жоғары - бұл деңгей споралық формаларды қоспағанда, барлық қоздырғыштарды жоюды қамтиды;

\* орташа - бұл жағдайда туберкулез бактериялары, сондай-ақ вирустар, саңырауқұлақтар және бактериялардың вегетативті формалары жойылады;

\* төмен - бактериялардың негізгі бөлігін, сондай-ақ жеке вирустар мен саңырауқұлақтарды жойылады.

**Дезинфекциялау құралдары** Патогендерден емдеу әртүрлі тәсілдермен жүзеге асырылуы мүмкін, бірақ олардың барлығы жалпы талаптарға сай болуы керек:

\* қауіпсіздік - құрал адам денсаулығына зиян келтірместен тек микроорганизмдерге әсер етуі керек;

\* жоғары тиімділік – микроорганизмдердің жойылуы мүмкіндігінше қысқа мерзімде болуы керек;

\* өңделетін беттің материалдарына қатысты инерттілік;

\* органикалық және бейорга-

никалық ластануды жою мүмкіндігі;

\* ерітіндідегі өнімнің концентрациясын бақылау және өзгерту мүмкіндігі;

\* әр түрлі жағдайларда қолданған кезде жоғары тұрақтылық.

Осы құралдармен бетті өңдеу сапасы көптеген факторларға байланысты:

\* өнімнің өңделетін бетке әсер ету ұзақтығы (экспозиция);

\* өңделетін беттің тән ерекшеліктері (өңделетін объектінің конструкциясы, дайындау материалдары, ластану дәрежесі және локализациясы);

\* бетті алдын ала тазарту деңгейі;

\* өңдеуге арналған өнімнің физика-химиялық қасиеттері (концентрация, температура, суда еру және микро, қышқылдық және басқа параметрлерге әсер ету қабілеті);

\* микроорганизмдердің дезинфекциялау құралдарына қарсы тұру қабілеті;

\* өңделетін бетке дезинфектантарды қолдану тәсілдері (аэрозольді, ірі тамшылы немесе басқалары);

\* құралды пайдалану мерзімі.

Арнайы білім мен дағдыларсыз дезинфекциялау үшін затты дұрыс таңдау және қолдану мүмкін емес екені анық.

Дезинфекция, дезинсекция және дератизация қызмет түрін көрсететін жеке және заңды тұлғалар лицензия болған жағдайда ғана осы жұмыстарды жүзеге асыра алады.

# Балалар арасында жіті ішек инфекцияларының алдын алу шаралары

Жаз мезгілі қоршаған ортада жіті ішек инфекциялары (ЖИИ) қоздырғыштарын сақтау және көбейту үшін қолайлы уақыт болып саналады, осыған байланысты жаз мезгілі болашақта балалардың денсаулығына ауыр зардаптар әкелуі мүмкін, яғни ЖИИ және тағамнан уланудың көбейуімен сипатталады.

Халықтың санитариялық - эпидемиологиялық саламаттылығы саласындағы қатер тұрғысынан балаларды сауықтыру объектілері, мектепке дейінгі ұйымдар, жабық үлгідегі балалар ұйымдары эпидемиологиялық маңыздылығы жоғары объектілерге жатады.

Балалардың арасында ЖИИ және тағамнан уланудың алдын алу мақсатында балалардың жазғы сауықтыру ұйымдарында, мектепке дейінгі ұйымдарда тамақтануды ұйымдастыру жөніндегі қызметтерді жеткізушілер мыналарды қамтамасыз етуі тиіс:

- тамақ өнімдерін және азық-түлік шикізатын қабылдауды жүзеге асыру кезінде сапасын растайтын құжаттар болуы тиіс;

- тағамдарды сақтау ережелерін және тез бұзылатын өнімдердің жарамдылық мерзімін қадағалау;

- өнімді толық пайдаланғанға дейін өнімнің осы түрінің жарамдылық мерзімін



көрсете отырып, әрбір ыдыс орнының таңбалау белгісін сақтау;

- шикі және дайын өнімдерді бөлек өңдеуді, сақтауды бақылау;

- технологиялық картаға сәйкес дайын тағамдарға аспаздық өңдеуді жүргізу;

- жеке және өндірістік гигиена ережелерін сақтау;

- қоғамдық тамақтану қызметкерлерінің медициналық тексеруден уақтылы және толық өтуі, жұмысқа рұқсат қағазының болуы.

Ата-аналар өздері және балаларға ЖИИ қорғану үшін қарапайым ережелерді есте сақтауы қажет:

- су мен сүтті тек қайнаған түрінде ішу,

- көкөністер мен жемістерді ыстық сумен жуу,

- тамақ өнімдерін шыбындардан қорғау,

- азық-түлік сақтау ережелері мен мерзімдерін сақтау,

- тамақтанар алдында қолды міндетті түрде жуу,

- тырнақты тістемеу.

Аурудың алдан алудағы ең жақсы әрі қарапайым тәсіл - ол баланы үйрету, тәрбиелеу, дағдыландыру. Жоғарыда аталған қарапайым ережелерді сақтау Сіздің және балаларыңыздың денсаулығын сақтауға көмектеседі!

**Б.ТЕМІРХАНОВ,**  
аудандық СЭББ басшысы.

